



UNIVERSITÄTS-
BIBLIOTHEK
PADERBORN

Waerchtighe Historie Van de Martelaers Van Gorcom

Estius, Wilhelm

Antwerpen, 1604

Capittel XIII. Hoe de andere ghevanghenen naer cen kercker werden gheleydt, ende van het verclaren van Capiteyn Marinus.

[urn:nbn:de:hbz:466:1-64552](https://nbn-resolving.org/urn:nbn:de:hbz:466:1-64552)

CAPITTEL XIII.

Hoe de andere ghevanghenen naer den kercker
werden gheleydt, ende van het verclaren van
Capiteyn Marinus.

Niet langhe naer dat de Geligteusen upt de sale
inde veur-sepde camer gheleydt waren / soo
wierden dock alle d'andere upt-gheroepen die inde
sale waren soo wereldlijcke als gheestelijcke. De
welcke niet wetende waer-waerts dat sy gheleydt
wierden / ende noch hebbende goede hope van ver-
lossinghe / zijn hennen leydt-man ghewilligh ghe-
volght. Maer doen sy wat voorder quamen / merck-
ten sy dat-men hen niet en leydde totten vryen upt-
gangh / ghelijck sy ghehopet hadden / maer totten
kercker. Sy zijn dan inne-ghegaen daer-men't hen
hiet / ende hebben patientie ghenomen in t'ghens
dat hen ouer-quam. Alleenlyck eene onder hen die
een seer ryck ende saecht-op-ghevoedt mensche was /
siende dat hy naer den kercker gheleydt ende ghe-
praemt wierdt / heeft beginnen te toonen des wack-
hepdt van synen moedt / die niet ghewoon en was
tegen-spoedt te lyden / noch het crups Christi te dra-
ghen / ende wilder met handen en voeten hem teghen
stellen: maer de soldaten trocken den onghewillis-
ghen / sy stieten ende sloeghen hem tot dat sy hem
met gheweldt inden kercker ghedzeuen hebben:
maer dese en was van dien hoop niet deur welker
doodt Godt verclaert ende de heylighe Kercke ver-
reert soude worden. Doen heeft een ander vande
ghevanghenen de stoutighepdt ghenomen dat hy
tot Marinum den Capiteyn is ghegaen / ende vrye-
lyck hem heeft aen-gesproke / claegende grootelijck
en yostelende / dat dese dingē die daer cmmē gingen
niet

niet en accordeerden met het compart dat sy onder-
 linghe ghemaect hadden. Midts dat-men hen al-
 len belouet ende gheswozen hadde los ende vry te
 laeten af-gaen: ende dat-men nu niet sonder groot
 onghelyck hen / teghen allen recht / teghen eedt en-
 de belofte / ghevanghen stelde: dat al-sulcks eenen
 vromen deghelijcken man niet en betaemde. Ma-
 rinus hier-op antwoordende bekende dattet al-soo
 belouet ende be-sproken was / ende dat hy in alles
 begheerde de selue gheloften te vol-bzenghē. Maer/
 seyde de andere / het blijktt claerlyck ghenoech dat
 ghy v ghelofte niet en onder-houdt / Want ghy ons
 doet ghevanghen setten / die ghy gheswozen hebt
 los te laeten gaen. Marinus seyde: Ick verwachtte
 eenen van Doordrecht die ter-stondt hier sal zijn / en-
 de naer d'bescheedt dat hy mede-bzenghen sal / sal-
 men met u-lieden handelen. Hoe? seyde d'ander /
 en oft hy veur tijdinghe bzaght dat-men ons allen
 op-hanghen soude? wy hebben niet v ghetracteert/
 ende op v trouwe is t' Casteel met alle dier binnen
 waren op-ghegeuen. Daer-om ghy moet v trou-
 we / die ghy nu soo dick-wils met eede verbonden
 hebt / sien te bewaren. Met dese woorden verwon-
 nen zijnde heeft hy geandtwoordt al-dus: Ick wete
 ende belijde dat ick mijn trouwe ghegeuen hebbe:
 ende moghte ick doen naer mijnen sinne / ick wil-
 de v allen ter-stondt ontslaen. Maer om dat ick niet
 en magh doen ghelyck ick wel beghere / soo sult-dy
 moeten verwachten watter af comen sal. Dese din-
 ghen heb ick daer-om willen verhalen / op dat een
 yeghelyck soude verstaen hoe cleyn dat de trouwe
 ende den eedt wordt gheacht by dese menschen / die
 hunne trouwe ende Godtbzuchtighepdt tot Gode
 eens af-ghegaen zijn.